



REPUBLIKA E SHQIPËRISË

KRYEMINISTRIA

MINISTËR SHTETI PËR PUSHTETIN VENDOR
AGJENCIA PËR MBËSHTETJEN E VETËQEVERISJES VENDORE

KËSHILLI KONSULTATIV
QEVERISJE QENDRORE - VETËQEVERISJE VENDORE

Nr. 649 prot

Tiranë, më 12.11 2024

VENDIM

Nr. 8 datë 12.11 2024

PËR

**MIRATIMIN E PROJEKTAKTEVE OBJEKT KONSULTIMI NË MBLEDHJEN E
KËSHILLIT KONSULTATIV, QEVERISJE QENDRORE – VETËQEVERISJE
VENDORE TË DATËS 8/11/2024**

Këshilli Konsultativ bazuar në Ligjin nr. 139/2015 “Për Vetëqeverisjen Vendore”, si dhe në VKM nr.244, datë 17.4.2024 “Për mënyrën e organizimit e të funksionimit të Këshillit Konsultativ të Qeverisjes Qendrore me Vetëqeverisjen Vendore”, pas shqyrtimit të projektakteve të mëposhtme, të mbledhjes së datës 8.11.2024 vendosi:

1. Për projektvendimin “Për disa shtesa dhe ndryshime në Vendimin e Këshillit të Ministrave nr. 867, datë 10.12.2014 Për procedurat e bashkëpunimit në institucionet e administratës shtetërore” propozuar nga Ministri i Shtetit për Pushtetin Vendor, bashkitë pjesëmarrëse në Këshillin Konsultativ u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë:
 - Shtojca A ”Marrëveshje Bashkëpunimin (TIP) ndryshohet në nenin 6, pika2 duke shtuar pas shkronjës g), shkronjën gj) me këtë përmbajtje: “në rastet kur evidentimi në terren kryhet nga specialistët e bashkisë, akti i evidentimit në terren nënshkruhet prej tyre sipas formatit të miratuar në vendimin e Këshillit të Ministrave nr.1178 datë 24.12.2020 “Për përcaktimin e dokumentacionit dhe të rregullave të hollësishme të evidentimit të ndërtimeve pa leje”, i ndryshuar.

2. Për projektvendimin **“Mbi procedurën e paraqitjes së kërkesës, afatet kohore, përgjegjësitë dhe rolet e përdoruesve të sistemit të strehimit social”** propozuar nga Ministria e Ekonomisë, Kulturës dhe Inovacionit, bashkitë pjesëmarrëse në Këshillin Konsultativ u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë:
 - Pika 8, për individët me nevojë emergjente për strehim bashkitë kanë fonde të limituara. Duhet të rishikohet mënyra e menaxhimit dhe afati kohor për këtë shërbim;
 - Tarifat për aplikime për personat me aftësi të kufizuara do të paguhen nga bashkia duke shtuar detyrimet për bashkitë ndërkohë që bashkia ka fonde të cinguar për rrjedhojë sugjerime të rishikohet kjo pikë;
 - Pika 11, e projektvendimit **“Rolet e përdoruesve të sistemit të strehimit social”** nuk përmendet fare roli i Komisionit të Strehimit dhe kryetarit të Bashkisë.

3. Për projektudhëzimin **“Për bazën e të dhënave të strehimit social në nivel kombëtar dhe vendor”**, propozuar nga Ministria e Ekonomisë, Kulturës dhe Inovacionit, bashkitë pjesëmarrëse në Këshillin Konsultativ u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë:
 - Pika 13 **“Detyrimet për Ndryshimet e Arkitekturës së Sistemit”**. Projektvendimi parashikon që çdo ndryshim në arkitekturën e software-it dhe hardware-it të bazës së të dhënave të bëhet në përputhje me standardet dhe praktikat ndërkombëtare. Bashkië mund të mos kenë burime financiare dhe teknike për të përmbushur këto standarde, duke u bërë të varura nga qeveria qendrore për mirëmbajtjen e sistemit

4. Për projektligjin **“Për shitjen e pasurive të paluajtshme shtetërore poseduesëve faktikë jopronare në zonat me përparësi zhvillimin e ekonomisë malore”**, propozuar nga Ministria e Ekonomisë, Kulturës dhe Inovacionit, bashkitë pjesëmarrëse në Këshillin Konsultativ u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë:
 - Të përfshihen në ligj dhe zonat kodrinore si ullishtet apo vreshtat që kanë një potencial për zhvillimin e turizmit.

5. Për projektligjin **“Buxheti i Njësisve të Vetëqeverisjes Vendore për vitin 2025”**, propozuar nga Ministria e Financave, bashkitë pjesëmarrëse në Këshillin Konsultativ u shprehën parimisht dakord dhe mbështetur në mendimet e tyre, miratuan rekomandimet përkatëse për t’u reflektuar nga institucioni propozues si më poshtë:
 - Transferta sektoriale për rrugët rurale që i kalon disa bashkive për mirëmbajtje është shumë ulët në raport me shumën që merr ARRSH-ja për të njëjtën kategori rruge dhe distancë prokurohet me 7-fish më shumë;
 - Menaxhimi i Mbetjeve Urbane disa bashki nuk përfitojnë kompensim për distancën ndërmjet bashkisë dhe landfillit e cila duhet të parashikohet në buxhet;

- Në grandin e kushtëzuar që vjen për investime të drejtpërdrejta ndryshimi i manualit të çmimeve që ndodhi vitin e kaluar nuk është pasqyruar në % këtu tek këto vlera, pra ajo që kemi humbur nga manuali nuk është përshtatur në këtë grand;
 - Pagesa e tarifave dhe taksave të bashkive për shoqëritë shtetërore që janë në faliment të bëhet nga ministria përgjegjëse. Duhet të vendoset një standard në buxhetin e shtetit që tarifat dhe taksat vendore të shoqërive tregtare të përcaktohet tek buxheti i Ministrive të Linjës;
 - Të përcaktohet nga Ministria e Mjedisit një buxhet për diferencën e kostos që bashkitë nuk e mbulojnë dot vet për funksionimin e inceneratorëve;
 - FSHZH-it të caktojë një fond të dedikuar për bashkitë i cili administrohet nga vetë bashkitë;
 - Të sqarohet në raportin e buxhetit se sa përqind të diferencës midis nevojave dhe të ardhurave të veta plotësohet me shtesën e transfertës së pakushtëzuar për vitin 2025;
 - Të qartësohet sa është kostoja e rritjes së pagave për vitin 2025 dhe nga disa përllogaritje në koston e marrë përsipër nga Qeveria mungon një tremujor;
 - Të rishikohen fondet që kalojnë për funksionet e decentralizuara pasi nuk është bërë një llogaritje e saktë e kostos së këtij shërbimi që në momentin e kalimit të funksionit
6. Për projektligjin **“Për përgjegjësitë e zgjeruara të prodhuesit”**, propozuar nga Ministria e Turizmit dhe Mjedisit, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.
7. Për projektudhëzimin **“Për radhën e vendosjes së elementëve të adresës, algoritmin dhe strukturën e kodit unik të adresës dhe përdorimin e tij”**, propozuar nga Ministria e Brendshme, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim.
8. Për projektvendimin **“Për disa ndryshime në Vendimin nr.1139, datë 24.12.2020, të Këshillit të Ministrave “Për miratimin e Strategjisë Ndërsektoriale të Sigurisë në Komunitet 2021-2026 dhe të planit të veprimit 2021-2023”**, propozuar nga Ministria e Brendshme, bashkitë pjesëmarrëse në Këshillin Konsultativ, mbështetur në mendimet e tyre shprehën dakordësinë në parim

Z. Arbjan MAZNIKU
Ministër i Shtetit për Pushtetin Vendor
Bashkëkryetar

Z. Aldrin DALIPI
Kryetar i Shoqatës së Këshillit
të Qarqeve të Shqipërisë
Bashkëkryetar